

**22 января. Попразднство Богоявления.  
Святитель Филипп, митр. Московский  
Полиелейная Утреня (приходская)**

**«Бог Господь»**

**Тропарь Богоявления, глас 1**

Во Иорданѣ крещáющуся Тебѣ, Гóсподи,/ Трóйческое яв́ися  
поклонѣние:/ Род́ителей бо глас свидѣтельствоваше Тебѣ,/  
возлю́бленнаго Тя Сына имену́я,/ и Дух в в́иде голуб́ине,/  
извѣствоваше словесѣ утверждѣние./ Явлѣ́йся Христѣ  
Бóже// и мир просвещѣй, сла́ва Тебѣ. *(Дважды)*

Сла́ва Отцú, и Сы́ну, и Свято́му Дúху.

**Свят. Филипп митр. Московский, глас 8**

От юности Христá возлюб́ил еси́, блаже́нне,/ и, Тому́ Едино́-  
му рабóтати пла́менне вожде́лев,/ непреста́нною мол́итвою  
и трудóм в пусты́ни подвизáлся еси́,/ умилѣ́нным же сѣрд-  
цем любóвь Христóву стяжа́в,/ избра́нник возлю́блен Бóжия  
Ма́тере яв́ился еси́./ Сего́ ра́ди вопи́ем ти:// спасáй нас  
мо́литвами тво́ими, Сераф́име, преподо́бне óтче наш.

и ны́не, и пр́исно, и во ве́ки веко́в. Ами́нь.

Тропáрь Богоявлéния, глас 1

Во Иордáне крещáющуся Тебé, Гóсподи,/ Трóйческое яв́ися  
поклонéние:/ Родíteлев бо глас свидéтельствоваше Тебé,/  
возлю́бленнаго Тя Сына имену́я,/ и Дух в в́иде голубíне,/  
извéствоваше словесé утверждéние./ Явлéйся Христé  
Бóже// и мир просвещéй, слáва Тебé.

**Величание**

**Лик:** Величáем тя, / святíteлю óтче Филиппе, / и чтим свя-  
тúю пáмять твою́: / ты бо мóлиши за нас // Христá, Бóга  
нáшего.

**Стих:** Услýшите сия́, вси язýцы, внушите́, вси, живúщи по вселéнной.

**Лик:** Ублажáем тя,/ преподóбне óтче Серафиме,/ и чтим свя-  
тúю пáмять твою́,/ настáвниче мона́хов// и собесéдниче А́н-  
гелов.

**Стих:** Уста́ моя́ возглагóлют премúдрость, и поучéние сёрдца моего́ ра-  
зум. **Величание.**

**Стих:** Приидíte чáда, послушайте́ мене́, стра́ху Госпóдню научú вас. **Ве-  
личание.**

**Стих:** Благовестíх прáвду в Цéркви вели́цей. **Величание.**

**Лик:** Сла́ва Отцú и Сы́ну и Свято́му Дúху и ны́не и прíсно и во вéки веко́в,  
амíнь. Аллилу́ия, аллилу́ия, аллилу́ия, сла́ва Тебé, Бóже. **(Дважды)**

**Чтение Евангелия**

**Диакон:** Вóнмем. Премúдрость. Вóнмем.

Прокимен св. прав. Иоáнна Кронштадтскаго

**Диакон:** Прокимен, глас 4: Честна́ пред Гóсподем / смéрть преподóбных Егó.

**Лик: Глас 4:** Честна́ пред Гóсподем / смéрть преподóбных  
Егó.

**Диакон: Стих:** Что возда́м Го́сподеви о всех, я́же воздаде́ ми.

**Лик:** Честна́ пред Го́сподем / сме́рть преподо́бных Егó.

**Диакон:** Честна́ пред Го́сподем

**Лик:** сме́рть преподо́бных Егó.

**Диакон:** Го́споду помóлимся.

**Лик:** Го́споди, помíлуй.

Молитва перед чтением Евангелия

**Священник:** Я́ко свят еси́, Бо́же наш, и во святы́х почи́аеши, и Тебе́ сла́ву возсыла́ем. Отцу́ и Сы́ну и Свято́му Ду́ху, ны́не и прísно и во ве́ки веко́в.

**Лик:** Амíнь.

**Диакон:** Вся́кое дыха́ние / да хва́лит Го́спода.

**Лик:** Вся́кое дыха́ние/ да хва́лит Го́спода.

**Диакон:** Хвалíte Бо́га во святы́х Егó, хвалíte Егó в утвер́жении си́лы Егó.

**Лик:** Вся́кое дыха́ние/ да хва́лит Го́спода.

**Диакон:** Вся́кое дыха́ние

**Лик:** да хва́лит Го́спода.

**Диакон:** И о сподо́битися нам слы́шанию свята́го Ева́нгелия Го́спода Бо́га мо́лим.

**Лик:** Го́споди, помíлуй (*трижды*).

**Диакон:** Прему́дрость, прóсти! Услы́шим свята́го Ева́нгелия.

**Священник:** Мир всем.

**Лик:** И ду́хови твоему́.

**Диакон:** От Луки́ свята́го Ева́нгелия чтéние.

**Лик:** Сла́ва Тебе́, Го́споди, сла́ва Тебе́.

**Священник:** Во́нмем.

**Евангелие от Луки, зачало 24. Сие же и преподобным. (Лк.6:17-23)**

Во время оно, ста Иисус на месте равне, и народ ученик Его, и множество много людей от всея Иудеи и Иерусалима, и помория Тирска и Сидонска, иже приидоша послушати Его и исцелитися от недуг своих, и страждущии от дух нечистых, и исцеляхуся. И весь народ искаше прикасатися Ему, яко сила от Него исхождаше, и исцеляше вся. И той возвед очи свои на ученики своя, глаголаше: блажени нищии духом, яко ваше есть Царствие Божие. Блажени, алчущии ныне, яко насытитесь. Блажени, плачущии ныне, яко возсмеетесь. Блажени будете, егда возненавидят вас человецы, и егда разлучат вы и поносят, и пронесут имя ваше яко зло, Сына Человеческого ради. Возрадуйтеся в той день и възиграйте, се бо мзда ваша многа на небеси.

**Лик:** Слава Тебе, Господи, слава Тебе.

**Стихиры по 50 псалме**

**Лик: Глас 6:** Слава Отцу, и Сыну, и Святому Духу.

Молитвами святителя Филиппа, / Милостиве, очисти // множества согрешений наших.

**Лик:** И ныне, и присно, и во веки веков. Аминь.

Молитвами Богородицы, / Милостиве, очисти // множества согрешений наших.

**Таже, глас 6:** Помилуй мя, Боже, / по велицей милости Твоей / и по множеству щедрот Твоих // очисти беззаконие мое.

**Глас 8:** Апостолов ревнителя, Филиппа, / преблаженного отца и учителя, / сошедшеся, восхвалим, глаголюще: / радуйся, святителю, твердый умом, / благодатию и истиною, освященне, / отнюдуже и приятелище был еси Духа Всесвятаго. / И ныне со архиереи предстоя престолу Христову, // молися присно о рабах твоих.

## Канон,

### Песнь 1

Ин канон Богоявления. Глас 2

**Ирмос, глас 2:** Шестствует морскую волнящуюся бурю,/ сущу  
а́бие Изра́иль явльшуюся./ Чёрмный же понт тристаты  
египетския/ покрý купно, водостланен гроб,// силою креп-  
кою десницы Влады́чни.

### Катавасия

**Глас 2:** Глубины́ откры́л есть дно/ и сущюю Сво́ю влечёт,/ в  
ней покрýв противныя,/ крепкий во бранех Господь,// яко  
просла́вился.

### Песнь 3

Ин канон Богоявления. Глас 2.

**Ирмос, глас 2:** Елицы дрéвних изрешихомся сётей/ бра́шен  
львов, сотрénных членóвными,/ радуимся и разши́рим  
уста́,/ сло́во плетúще от словéс сладкопéния,// íмже к нам  
наслажда́ется даровáний.

### Катавасия

**Глас 2:** Крепость да́й царём на́шим Господь/ и рог пома́зан-  
ных Сво́их возно́сй/ от Дéвы ражда́ется, грядёт же ко Кре-  
щёнию./ Тому́, вёрнии, возопи́ем:// несть свят, яко Бог наш.

### Песнь 4

Ин канон Богоявления. Глас 2.

**Ирмос, глас 2:** Огнём очи́щся та́йнаго зрёния,/ по́я проро́к  
челове́ков новодéйство,/ возглаша́ет глас, Ду́хом плéщущ,/

воплощѣние являющ неизречѣнна Сло́ва, // Ёмже си́льных держа́вы сотро́шася.

Катавасия

**Глас 2:** Услы́шах, Го́споди, глас Твой, егѣже рекл еси́, / глас вопи́ющаго в пусты́ни, / я́ко возгремѣл еси́ над вода́ми мно́гими, / Твоему́ свидѣтельствуя Сы́ну, / весь быв соше́дшаго Ду́ха, возопи́: // Ты еси́ Христѣ́с, Бо́жия му́дрость и си́ла.

Песнь 5

Ин канѣн Богоявлѣния. Глас 2.

**Ирмос, глас 2:** Врага́ тѣмнаго и осквернѣннаго я́да / очищѣнием Ду́ха измовѣни, / к но́вой приста́хом небла́зненной стези́, / вводящей в непристу́пную ра́дость, Еди́нем присту́пну, // ёмже Бог примири́ся.

Катавасия

**Глас 2:** Иисус, живота́ нача́льник, / разрешити осуждѣние грядѣт Ада́ма первозда́ннаго, / очищѣний же я́ко Бог не тре́буя, / па́дшаго очища́ет во Иорда́не, / в нёмже вражду́ убив, // преим́щ всяк ум мир да́рует.

Песнь 6

Ин канѣн Богоявлѣния. Глас 2.

**Ирмос, глас 2:** Вождѣлѣннаго я́вствова со всеблажѣнным гласом Оте́ц, / Егѣже из чре́ва отры́гну: / ей, – глаго́лет, – Сей соестѣствен Сын, / Сый светоза́рен, / произни́че из челове́ча ро́да: // Сло́во же Моё́ жи́во и Челове́к промыслѣнием.

Катавасия

**Глас 2:** Словесé, светíльник Свѣта,/ денница Сóлнца, Пред-  
тѣча в пустыни,/ — покáйтесь, — всем вопиёт лю́дем, — и  
предочи́стится:/ се бо предсто́ит Христóс,// от тли мир из-  
бавляяй.

Песнь 7

Ин канóн Богоявлéния. Глас 2.

**Ирмос, глас 2:** Опали́ струёю змíевы главы́ пѣщный вы-  
со́кий пла́мень,/ юноши нося́щ благочестíвыя,/ ути́шивый  
неудободержíмую мглу из грехá// всю же омыва́ет росóю  
Ду́ха.

Катавасия

**Глас 2:** Юноши благочестíвыя, пѣщи óгненной приобщи́в-  
шияся,/ шумя́щ дух рóсный невредíмы сохрани́/ и Бóжия  
А́нгела снизхождéние./ Тѣмже, в пла́мени ороша́еми, благо-  
дárственно воспевáху:// препѣтый отѣц Гóсподи и Бóже,  
благословѣн еси́.

Песнь 8

Ин канóн Богоявлéния. Глас 2.

**Ирмос, глас 2:** Свобóдна ўбо тварь познава́ется/ и сыно́ве  
Свѣта прѣжде омрачѣннии;/ еди́н стѣнет тьмы предстáтель./  
Ны́не да благослови́т усѣрдно Винóвнаго// прѣжде окая́нное  
язы́ков всенаслѣ́дие.

Катавасия

**Глас 2:** Тайну пресла́вную вавилóнская показá печь, исто-  
чívшая рóсу,/ яко струя́ми имяше невещéственный Огнь  
восприя́ти Иорда́н/ и объя́ти плóтию крещáема Зиждíteля,/  
Егóже благословя́т лю́дие// и превозно́сят во вся ве́ки.

Песнь 9

Ин канóн Богоявлéния. Глас 2.

**Ирмос, глас 2:** О, па́че ума́ Рожде́ствá Твоегó чудéс/ Невé-  
сто Всечы́стая, Ма́ти Благословéнная,/ Ёюже получи́вше  
всесовершенство спасéние,/ досто́йно хва́лим, яко Благо-  
дéтеля,// дар нося́ще – песнь благодарéния.

Катавасия

**Глас 2:** Недоуме́ет всяк язýк благохвалíти по достоя́нию,/  
изумевáет же ум и премíрный пéти Тя, Богорóдице:/ обáче  
Благáя сýщи, véру приимí,/ íбо любóвь véси Божéствен-  
ную на́шу,// Ты бо христиáн еси́ Предстáтельница, Тя вели-  
ча́ем.

Стихиры на хвалитех

**Канонарх:** Глас 6, Всякое дыхáние да хва́лит Гóспода.

Всякое дыхáние да хва́лит Гóспода./ Хвалíte Гóспода с  
Небéс,/ хвалíte Егó в вы́шних.// Тебé подобáет песнь Бóгу.

Хвалíte Егó, вси Ангели Егó,/ хвалíte Егó, вся Сíлы Егó.//  
Тебé подобáет песнь Бóгу.

попразднства Богоявления на 2

**Стих: На 4:** Хвалíte Егó на силах Его, /

хвалите Его по множеству величества Его.

Скажи и рцы, о пророче Исаие! Кто есть зовый в пустыни? Что вопиши, почерпите убо воду очистительну с веселием? Се Иоанн крещаяй в пустыни, и возопивый! Христос грядет, // благословен, явлейся Боже наш, слава Тебе.

**Стих:** Хвалите Его во гласе трубнем, /

хвалите Его во псалтири и гуслах.

О, паче ума и незреченнаго благоутробия! Како Творец твари преклоняет Пречистый и Божественный верх, / Крещением образ смирения вводя / в Него просвещаемым? В Немже поем: // благословен, явлейся Боже наш, слава Тебе.

Хвалите Его в тимпане и лице, / хвалите Его во струнах и органе.

Свят. Филипп митр. Московский на 2

**Глас 4. Стих:** Хвалите Его в тимпане и лице, /

хвалите Его во струнах и органе.

Течение совершил еси / и веру соблюл еси, / святителю блаженне Филиппе, / сего ради Христос ты венча светлым венцем правды / и украси твое исповедание, досточудне. / Тем, Небесное наследие прием, / Спасу молися // о воспевающих память твою.

**Стих:** Хвалите Его в кимвалех доброгласных, хвалите Его в кимвалех восклицания. /

Всякое дыхание да хвалит Господа.

Фили́ппе блаже́нне,/ испове́дников подража́телю,/ те́пле хва́лящим тя предста́тель бу́ди,/ и от вся́кия беды́, греха́ же и бу́ри/ и страсте́й мучи́тельства, о́тче, изба́ви ны,/ я́ко мученик неосла́блен/ и святи́тель богоприя́тен./ Дерзнове́ние имéя ко Христу́ Бо́гу,// моли́ся о воспева́ющих па́мять твою́.

*Сла́ва, глас 6:*

Сла́ва Отцу́, и Сы́ну, и Свято́му Ду́ху.

Ты еси́ па́стырь до́брый/ и учи́тель изря́дный,/ святите́лю Фили́ппе,/ тя всегда́ восхваля́юще, вопие́м:/ тобо́ю Бог украси́ це́рковь Ма́тере Своея́,/ и те́ло твоё, за па́ству твою́ во изгна́нии пострада́вшее,/ многоле́тно же в земли́ сокрове́нное,/ престо́лу твоему́ возврати́, и лю́ди твоя́ возвесели́;/ те́мже моля́ся не преста́й о хва́лящих и чту́щих па́мять твою́,// прося́ оставле́ния грехо́в и спасе́ния душáм на́шим.

*И ны́не, глас 6:*

И ны́не, и прѝсно, и во ве́ки веко́в. Ами́нь.

Я́ко вредя́щих земны́х отве́дшеся,/ прииди́те мѝсленно, очисти́м чувства/ и, Христа́ виде́вше,/ плóтию крещáема от Иоáнна Предте́чи,/ вси́ с ним песносло́вяще ве́рно, возопие́м:// благослове́н, явле́йся Бо́же наш, сла́ва Тебе́.

### **Тропари в конец Утрени**

*Тропарь Свят. Филипп митр. Московский, глас 8*

Первопресто́льников пре́емниче,/ сто́лпе правосла́вия, истины побóрниче,/ но́вый испове́дниче, святите́лю Филип-

пе,/ положи́вый ду́шу за па́ству твою́,/ те́мже, я́ко имéя дерзновéние ко Христу́,/ моли́ за оте́чество на́ше, за град же и лю́ди,// чту́щая досто́йно святу́ю па́мь твою́.

Сла́ва Отцу́, и Сы́ну, и Свято́му Ду́ху, и ны́не, и прísно, и во ве́ки веко́в. Ами́нь.

Тропа́рь Богоявле́ния, глас 1

Во Иорда́не крещáющуся Тебе́, Го́споди,/ Трóйческое яви́ся поклонéние:/ Родите́лев бо глас свидéтельствоваше Тебе́,/ возлю́бленнаго Тя Сына имену́я,/ и Дух в ви́де голу́бине,/ изве́ствоваше словесé утверждéние./ Явлéйся Христé Бо́же// и мир просвещéй, сла́ва Тебе́.

1-й час

Тропа́рь Богоявле́ния, глас 1

Во Иорда́не крещáющуся Тебе́, Го́споди,/ Трóйческое яви́ся поклонéние:/ Родите́лев бо глас свидéтельствоваше Тебе́,/ возлю́бленнаго Тя Сына имену́я,/ и Дух в ви́де голу́бине,/ изве́ствоваше словесé утверждéние./ Явлéйся Христé Бо́же/ и мир просвещéй, сла́ва Тебе́.

Сла́ва Отцу́, и Сы́ну, и Свято́му Ду́ху.

Первопресто́льников преéмниче,/ сто́лпе правосла́вия, истины побóрниче,/ но́вый исповéдниче, святите́лю Фили́ппе,/ положи́вый ду́шу за па́ству твою́,/ те́мже, я́ко имéя дерзновéние ко Христу́,/ моли́ за оте́чество на́ше, за град же и лю́ди,/ чту́щая досто́йно святу́ю па́мь твою́.

Конда́к Богоявле́ния, глас 4

Яви́лся еси́ днесь вселéнней,/ и свет Твой, Го́споди, зна́менася на нас,/ в ра́зуме пою́щих Тя:/ пришéл еси́ и яви́лся еси́,/ Свет Непристу́пный.

**Лик: Глас 4:** Яви́лся еси́ днесь вселéнней,/ и свет Твой, Го́споди, зна́менася на нас,/ в ра́зуме пою́щих Тя:/ пришéл еси́ и яви́лся еси́,// Свет Непристу́пный.